



Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 32. Commendoni libellus pro vindicandis Papæ juribus.

[urn:nbn:de:hbz:466:1-66800](#)

Sæcul. XVI**A.C. 1558.**

„tendam, ut is inaugurationem, quam-
 „vis non rite factam plena potestate
 „confirmet: insuper mandatum Caroli,
 „quo Imperium abdicavit, coram Pontifi-
 „ce produci oportet. „

§. XXXII.

*Commendoni libellus pro vindicandis
 Papæ juribus.*

Spond. hoc**ann. n. 8.****Pallav. l. 14.****e. 6. n. 8.**

Posthæc Commendonus, qui postea pur-
 pura donabatur, edito libello de-
 monstrare nitebatur, quod S. R. I. Ele-
 ctiores emergente mortis eventu Cæsa-
 rem eligendi potestatem haberent, mini-
 me vero in ultroneæ abdicationis ca-
 su eadem gauderent, ut proin Caroli
 cessio, atque Ferdinandi electio in illius
 locum facta omnino non valeret, eo-
 quod' absque ulla Sacræ Sedis au-
 ñoritate a solis Electoribus, potissima
 ex parte hæreticis, qui tamen hac ipsa
 ex ratione omni potestate, & auñorita-
 te exciderunt, attentata fuisset. Cetera
 Commendoni verba iisdem, quas Car-
 dinales producebant, rationibus innite-
 bantur; quapropter Paulus IV. in quo-
 dám privato, atque secreto colloquio i-
 psi Gusmano hæc respondit: cum Ca-
 rolus apud nullum alium, quam Christi
 Vicarium Cæsareæ dignitati cedere, nec
 Ferdinandus eam citra Sedis Apostoli-

cæ

cæ consensum acceptare potuerit, hinc Sæcul. XVI.
intra tres Menses iis, quæ a Cardina- A.C. 1558.
libus proposita sint, fatisfaciat.

Evidem Gusmanus reposuit: „Ca-
„rolus per suam Imperii abdicationem
„unice subditis suis debitæ obedientiæ
„fidem ultronee remisit, ut proin illa
„eos respiciat, qui antea hujus obsequii
„vinculo adstricti erant: cum autem
„Cæsares eligendi jus per Imperii Or-
„dines devolutum, ac translatum sit ad
„S. R. I. Electores, Carolus Cæsar hoc
„idem Imperium cedere haud potuit,
„nisi consentientibus iisdem Electoribus,
„cum hi legitimo, ac perpetuo jure to-
„tius Imperii corpus repræsentent. „
Verum insuper habitis omnibus, quas
Legatus proposuerat, rationibus, Pon-
tifex adeo flecti non poterat, ut suæ e-
tiam opinioni immoreretur (*).

§. XXXIII.

(*) Hanc rationem a Legato fuisse propo-
fitam, nec Spondanus, nec Pallavicinus, quos
Continuator allegat, referunt, quapropter hic
idem pro more suo historiam, atque illius ævi
gesta ad sui temporis genium accommodans,
fingit, ea tum ab aliis fuisse dicta, quæ in
odium Pontificum suo, ac hodierno tempore
libere proferuntur, & quidem non sine mali-
tiæ compendio; quippe ex ejusmodi narratis
semper Pseudo-Politicis integrum est, jactata

Fleur.